




Iincwadi lezi zenzelwe abentwana beSewula Afrika ngaphasi koburholi bakaNqgonqgotjhe wezeFundu-Sisekelo, uMma u-Angie Motshetka, kanye neSekela lakaNqgonqgotjhe wezeFundu-Sisekelo, uNom. Enver Surty.

UKKz. Angie Motshetka,  
nguNqgonqgotjhe  
weFundu-Sisekelo



UNom. Enver Surty,  
nguSekela  
kaNqgonqgotjhe  
weFundu-Sisekelo

ISBN 978-1-4315-0256-1



LIFE SKILLS IN ISINDEBELE  
GRADE 2 – BOOK 1  
TERMS 1&2

ISBN 978-1-4315-0256-1

THIS BOOK MAY  
NOT BE SOLD.

Iincwadi zokusebenzela zikhona ngemilandelande le:

- ILimi lokuThoma lokungezelela iGreydi 1 – 6  
(Ngamalimi woke asemthethweni)
- ILimi lokuThoma lokungezelela iGreydi 4 – 6  
(NgesiNgisi)
- ILimi lekhaya iGreydi 1 – 6  
(Ngamalimi woke asemthethweni)
- imbalo iGreydi 1 – 3  
(Ngamalimi woke asemthethweni)
- imbalo iGreydi 4 – 9  
(Ngelimi lesiNgisi nelimi lesi bhunu)
- UbuKghoni bePilo iGreydi 1 – 3  
(Ngamalimi woke asemthethweni)

Ukubuyekeza,  
ihlaliswe  
ngokwesiTatimende  
seKharukhyulamu  
nomThehomgomu  
wokuhlola

iGreyidi

2



## AmaKghono wepilo ngesiNdebele

Incwadi 1 – Ithemu 1&2



Ibizo:

Itlasi:



**basic education**

Department:  
Basic Education  
REPUBLIC OF SOUTH AFRICA

# Amalanga aqakathekileko 2016

AmaHolideyi weLizweloke weSewula Afrika:

Ilanga eliqakathekileko lesikhumbuzo samaJuda:

Ilanga eliqakathekileko lesikhumbuzo sama-Islamu:

Ilanga eliqakathekileko lesikhumbuzo sakaBahá'í:

AmaLanga weenTjhaba eziBumbeneko:

## UMatjhi

Mhla ali-5 kuNtaka, lilanga lePurim   
 Mhla ama-21kuNtaka, liLanga lamaLungelo wobuNtu   
 Mhla ama-21 kuNtaka, liLanga leeNtjhabetjhaba lamaHlathi  
 kanye nemithi   
 Mhla ama-20-21 kuNtaka, liLanga   
 lomNyaka omutjha wamaBahá'í  
 Mhla ama-22 kuNtaka, liLanga lePhasi laManzi   
 Mhla ama-28 kuNtaka: li-iri leHlabathi  
 (20:30-21:30 (ngesikhathi sendawo yekhethu)

## UJuni

Mhla li-1 kuMgwengweni, liLanga labaBelethi  
 iPhasiloke   
 Mhla ali-4 kuMrhayili, liLanga leentjhabetjhaba  
 labaNtwna abalAlekako   
 Mhla ama-5 kuMgwengweni, liLanga lePhasiloke  
 lezeBhoduluko   
 Mhla abu-8 kuMgwengweni, liLanga lePhasiloke  
 lamaLwandlekazi   
 Mhla ali-12 kuMgwengweni, liLanga kabuDisi  
 lokungaSetjenisewa kwabentwna kabuDisi  
 Mhla ali-16 kuMgwengweni, liLanga leluTjha  
 weRamadan   
 Mhla ama-18 kuMgwengweni, kuthoma kwamaLanga  
 Mhla ali-21 kuMgwengweni, liLanga laboBaba

## USeptemba

Mhla ali-13 bekube mhlali-15  
 kuKhukhulamungu, lilanga leRosh Hashanah   
 Mhla ama-21 kuKhukhulamungu, liLanga  
 leenTjhabatjhaba lokuThula   
 Mhla ama-23 kuSewula, malanga  
 weYom Kippur   
 Mhla ama-24 kuKhukhulamungu, liLanga  
 lezamaGugu

## UDisemba

Mhla li-01 kuNobayeni, lilanga  
 lePhasiloke leNtumbantonga   
 Mhla ama-3 kuNobayeni, liLanga  
 leenTjhabatjhaba labanTu abaphila  
 nokuKhubazeke   
 Mhla ali-5 kufika mhlali-14 kuNobayeni  
 lilanga leChanukah   
 Mhla ali-16 kuNobayeni, liLanga  
 lokuBuyisana   
 Mhla ama-25 kuNobayeni, liLanga  
 lakaKresimusi   
 Mhla ama-26 kuNobayeni, liLanga  
 lokuLibalelana

## UJanabari

Mhla li-1 kuTjhirkwenu lilanga  
 lomNyaka omuTjha   
 Mhla ama-31kuTjhirkwenu  
 liLanga labeNtwana beenTradeni

## UFeberbari

Mhla ama-2 kuMhlolanja liLanga  
 lePhasi lamaChaphozi   
 Mhla ali-14 kuMhlolanja, liLanga le-  
 St Valentine

## U-Apreli

Mhla ali-3 kuSihlabantangana, liLanga  
 leGudi   
 Mhla ali-4 kufika mhlama-11  
 kuSihlabantangana, leleNyuko   
 Mhla ali-5 kuSihlabantangana, lilanga lomkhosi  
 wokuVukav   
 Mhla ali-6 kuSihlabantangana, liLanga  
 lomDeni   
 Mhla ali-7 kuSihlabantangana, liLanga lePhasi  
 lezePilo   
 Mhla ama-22 kuSihlabantangana, liLanga  
 leenTjhabatjhaba laboMma ephasini   
 Mhla ama-27 kuSihlabantangana, liLanga  
 leKululeko

## Umeyi

Mhla li-1 kuMrhayili, liLanga  
 lezabasebenzi   
 Mhla ali-10 kuMrhayili, liLanga  
 laboMma   
 Mhla ali-15 kuMrhayili, liLanga  
 leenTjhabatjhaba lezeminiDeni

## UJulayi

Mhla ama-17 kuVelabahlinze, yi-  
 weRamadan   
 Mhla ali-18 kuVelabahlinze,  
 lakaNelson Mandela   
 Mhla ama-30 kuVelabahlinze,  
 lobuNgani

## U-Arhostesi

Mhla ali-9 kuRhoboyi, liLanga  
 laboMma   
 Mhla ali-13 kuRhoboyi,  
 liLanga leenTjhabatjhaba  
 labantu abasebenzia izandla  
 zangesinceleni

## UOktoba

Mhla ama-2 kuSewula, liLanga leenTjhabatjhaba  
 lokuNgabinenturu   
 Mhla ama-5 kuSewula, liLanga lePhasiloke  
 laboTitjhre   
 Mhla ali-11 kuSewula, liLanga leenTjhabatjhaba  
 lomNtwana womNtzana   
 Mhla ali-14 kuSewula, liLanga le-Al-Hijira  
 (umNyaka omuTjha wama-Islamu)   
 Mhla ali-15 kuSewula, liLanga leenTjhabatjhaba  
 laboMma bezAbelweni   
 Mhla ali-16 kuSewula, liLanga  
 lePhasiloke lokuDla

## UNovemba

Mhla ali-11 kuSewula, lilanga  
 leDeepavali (Diwali)   
 Mhla ali-12 kuSewula, lilanga  
 leVikram (UmNyaka omuTjha  
 we-2072)   
 Mhla ama-20 kuSikinyikhaba,  
 liLanga Zombelele

## Okumumethweko

### Ithemu 1 Ikhasi

- 1 Sidinga ukudla okunepilo ukuze siphile ..... 2
- 2 Amanzi asinikela ipilo ..... 4
- 3 Ukongiwa kwamanzi ..... 6
- 4 Ummoya ohlanzekileko/ohlwengileko usipha amandla ..... 8
- 5 Mina nabanye ..... 10
- 6 Abantu abaseduze kwethu ..... 12
- 7 Akusekho ukuthelisa ..... 14
- 8 Soke sikhethekile ..... 16
- 9 Sizzwa njani ..... 18
- 10 Abantu abaphila nokukhubazeka ..... 20
- 11 Boke abentwana baligugu bebakhethekile ..... 22
- 12 Ikutani yami ..... 24
- 13 Ukuhlanza amanzi ..... 26
- 14 Indlela yokuphila ekungiyo ..... 28
- 15 Imikhqizo eyonakalako naleyo engonakaliko ..... 30
- 16 linkolo kanye namalanga akhethekileko ..... 32

### Ithemu 2 Ikhasi

- 17 linkhathi zomnyaka ..... 34
- 18 linkhathi ezine zomnyaka ..... 36
- 19 linkhathi zomnyaka ..... 38
- 20 Ukwembatha ngendalela ubujamo bezulu bungakho ..... 40
- 21 Imithelela yeenkathi zomnyaka ..... 42
- 22 Ukutjala isitjalo ngebhlegeni ..... 44
- 23 linlwana: linlwana zemaplasini ..... 46
- 24 Eplasini ..... 48
- 25 linlwana zemangweni ..... 50
- 26 linlwana zizifihla njani ..... 52
- 27 linlwana zangemanzini ..... 54
- 28 linlwanyana eziphila ngaphasi kwamanzi ..... 55
- 29 Ubukghwari beenlwana ..... 56
- 30 linlwanyana ezithwala imizi yazo ngaso soke isikhathi ..... 58
- 31 linlwana ezizakhela izundlu zona ngokwazo ..... 60
- 32 Isihlathululi-magama sami ..... 62

ISBN 978-1-4315-0256-1

This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.



Published by the Department of Basic Education  
 222 Struben Street  
 Pretoria  
 South Africa

© Department of Basic Education  
 Sixth edition 2016



# IGreyidi

2

AmaKghono wePilo  
ngesiNdebele  
Incwadi yoku-l



Incwadi le ngeyaka:



# Sidinga ukudla okunepilo ukuze siphile



Asifunde

Imizimba yethu itlhoga ukudla ukuze ikhule. Kumele sidle ukudla okubuya emikhakheni yoke yokudla qobe lilanga. Kumele sidle ukudla okunepilo ukuze sibe namandla aneleko ukwenza lokho esifuna ukukwenza. Nangabe asikudli ukudla okunepilo, singagula.

## Imikhakha yokudla emihlanu

Iinthoro kanye  
nemikhiqizo  
yeenthoro

Imirorho kanye  
neenthelo

Abanye abantu  
badla imirorho  
kwaphela. Lokho kutjho  
kobana abayidli inyama.  
Badla kwaphela ukudla  
okusemabuthelelweni  
amane kwaphela.

Inyama,  
ihlambi,  
inyama yefuyo  
enamaphiko, amantongomani  
kanye neembhontjisi

Amafutha kanye  
ne-oli

Imikhiqizo  
yederi





Asenzeni lokhu

Khuluma nomngani kobana ngikuphi ukudla  
okunepilo kilokhu. Kundulungele.




Asitlole

Yenza kwangathi  
uye esitolo  
esiyyisuphamakethe  
nomamakho  
ukuyokuthenga  
ukudla kwakusihlwa.  
Yenza irhelo lokudla  
oyokuthenga okunepilo  
ekuyokudliwa mndeni  
wakwenu.



Irhelo lezinto ezizokuthengwa



Teacher: \_\_\_\_\_  
Sign: \_\_\_\_\_  
Date: \_\_\_\_\_

# Amanzi asinikela ipilo

Ithemu - I - Iweke - I - Iphepha lokusebenzela



Kubayini sitlhoga amanzi?  
abantu, iintjalo neenlwana  
zitlhoga amanzi ukuze ziphile.  
Amanzi athatha ukudla  
esikudlako akuse eengcenyeni  
zoke zomzimba. Amanzi asiza  
ukukhupha okungasatlhogwa  
mizimba yethu.



Asenzeni lokhu



Qobe lilanga sisebenzisa amanzi emakhaya. Tjela umngani wakho kobana amanzi siwasebenzisela ukwenza ini? Bala izinto ezahlukahlukeneko. Emva kwalapho gwala iinthombe ezine ukutjengisa kobana amanzi asetjenziselwa ini. Tlola isihlokwana ngehla kwaleso naleso isithombe ukuhlathulula kobana simayelana nani isithombe.

|  |
|--|
|  |
|--|

|  |
|--|
|  |
|--|


|  |
|--|
|  |
|--|

|  |
|--|
|  |
|--|




Asitlole

Amanzi siwathola kuphi? Dweba umuda ukumadanisa  
isithombe nebamba elinembako.



|                |
|----------------|
| Ithwasahlolo   |
| Isiphehlammoya |
| Umlambo        |
| Idamu          |
| Ipetsi         |



Asiphumele ngaphandle

Ngaphambi kobana nenze umsebenzana ngaphandle, kokuthoma ziluleni njengokatsu. Lokhu kuzokwenza imizimba yenu kobana iluleke beyinyakaze kuhle. Begodu nasele niqedile ukwenza umsebenzana lowo, zeluleni ukuze niledlhe benipholise imizimba. Lokhu kuzonisiza kobana ningezwa ubuhlungu bemisipha.



- Yeqa njengesirhwarhwa. Banga itjhada elenziwa sirhwarhwa.
- Phoselanani ibholo nanyana umgodlana oneembhontjisi ngaphakathi omunye awubambe.
- Ngemva kwalapho phosela ibholo nanyana umgodlana onamatjana phezulu bese uyawubambe godu.
- Beka umgodlana oneembhontjisi ehloko yakho unzinze bese ukhamba msinya. Phalisana nomngani wakho. Qalani kobana nizokukhamba ibanga elide kangangani ngaphambi kobana umgodlana lowo uwe.

Teacher:  
Sign:  
Date:

# Ukongiwa kwamanzi

Ithemu-1 – Iweke-2 – Iphepha lokusebenzela



Amanzi aqakatheke khulu, kumele singawoni.  
Khuluma nomgani wakho ngeendlela ezihlalu  
ezahlukeneko esingonga ngazo amanzi.



Tlola imibono emibili esingonga ngayo  
amanzi esikhali esingenzasi.

1. \_\_\_\_\_
2. \_\_\_\_\_




Sebenzisa  
amakhayoni kanye  
nephepha ukwenza  
iphosta enemibalabala  
ngokonga amanzi.  
Iphosta yakho imele  
ikhuthaze abanye  
kobana bonge amanzi.  
Nasele uqedile  
ukwenza iphosta  
yakho, yitjengise  
umngani wakho.





Omunye wenu kumele abe yipisi.  
Dlheganani ngokubuza umbuzo othi,  
"Sikhathi bani  
Nomzana Pisi?" Njalo nawubuza umbuzo,  
ipisi imele itjho kobana sikhathi bani.  
Kodwana lokha ipisi nayithi "sikhathi sokudla," ipisi izokuthoma ukugijimisa abentwana. Kumele ugijime ubaleke ngaphambi kobana ikubambe.



Kwanje tholani iwulahubhu nidiale ngayo. Wena nomngani wakho kumele nidlhegane ukukhamba nizombe phezu kwewulahubhu, kokuthoma ukhamba ngeenyawo ulamanise ngokukhamba ngezandla. Ngemva kwalapho bamba kwewulahubhu ngezandla zakho lokha abangani bakho bakhasa ngaphasi kwayo.  
Dlheganani ukwenza lokhu.



|          |
|----------|
| Teacher: |
| Sign:    |
| Date:    |

# Ummoya ohlanzekileko/ ohlwengileko usipha amandla



Asifundeni

Ummoya esiwuphefumulako une-oksijini. I-oksijini isiza imizimba yethu ukusebenza ukudla esikudlako. Ngemva kwalapho, sithola amandla. Lokha nasiphefumula ummoya ongakahlanzeki, imizimba yethu ayikwazi ukusebenza kuhle nangefanelo.



Asitlole

Hlala nomngani wakho. Nobabili, qedeletani iinkhala ezisemitjhweni elandelako:

Ngidinga ummoya ohlanzekileko/ohlwengileko ngombana

Lokha ummoya nawusilapheloko

Ummoya uyasilaphala lokha

Singenza ini ukugcina ummoya uhlanzekile?

1.

2.



Asifundeni

abantu batlhoga ukuhlala elangeni ukuze bathabe bebazizwe baphole tswe. Ilanga lisiza imizimba yethu ukwakha iVithamini D. IVithamini D yakha amathambo aqinileko. Nawuhlala elangeni khulu nakhona akukalungi. Ilanga lingasitjhisa sisale sinamabala wokutjha esikhunjeni. Kumele usebenzise isezenso esikhandela ilanga kobana lilimaze isikhumba sakho.



Asitlole

Qedeleta ngokutlola eenkhaleni ezingenzasi.

Ngingaphepha ukuhlalela ilanga elitjhisa khulu ngoku-

- I. \_\_\_\_\_
2. \_\_\_\_\_
3. \_\_\_\_\_



Asivumeni

Vumani ingoma elandelako  
bese niwahlela igido layo.



**Ukukhanya kwami**



**Ukukhanya kwami ngingedwa.**

**Uyangithabisu**

**Lokha umkayi nawusamlotha.**

**Angekhe wazi, wena othandekako,**

**Kobana ngikuthanda kangangani.**

**Ungathomha hle ususe ukukhanya kwami.**

Kumele usebenzise  
isezenso esikhandela  
ilanga kobana lilimaze  
isikhumba sakho.



|          |
|----------|
| Teacher: |
| Sign:    |
| Date:    |

# Mina nabanye

Ithemu - I - I'veke - 3 - Iphepha lokusebenzela



**Asikhulume**

Soke siyathanda ukuba  
nabangani abalungileko.  
Wazi njani kobana umngani  
wakho ulungile?



**Asitlole**

Esikhalieni esingenzasi, tlola izinto ezenza kobana  
omunye umntwana sithi umngani olungileko.

1.

---

2.

---

3.

---

4.

---



**Asitlole**

Cabanga ngemibuzo elandelako bese utlola  
phasi iimpendulo zakho.

Bangaki abangani bakho?

Ngubani ibizo lomunye wabangani bakho abakhulu?

Sikhathi esingangani nibangani?

Yini okukhethekileko ngomngani ekukhulunywa ngaye ekondlweni engehla?





Asikhulume

Hlala nomngani wakho bese nikhuluma ngeentatimende ezilandelako.  
Tlola itshwayo (✓) ngebhoksini nangabe liqiniso, kanye nesiphambano (✗)  
nangabe akusilo iqiniso.

## Irhelo lokuhlola ubungani

Iye ✓ Awa ✗

Umngani wami unetjhejo.

Umngani wami uyangisiza.

Umngani wami wabelana nami.

Umngani wami akalwi nami.



Asenzeni lokhu

Cabanga ongakwenza ukuze  
umngani wakho azizwe  
akhethekile. Ngemva kwalapho  
gwala isithombe ngento  
leyo bese usenzele nefremu.  
Khumbula ukukghabis  
ifreyimi yesithombe sakho.  
Nasele ukwenzile lokho,  
khulumani ngemibala epholileko  
kanye nemibala etjhisako  
oyisebenzisileko esithombeni  
sakho.



Asitlole

Tlola imtjho emibili ngesithombe.



# Abantu abaseduze kwethu



Qala iinthombe. Cabangani ngezinto ezihle ezenziwa bangani bese nicoca ngazo eenqhemeni zenu. Ngemva kwalapho cabangani kobana abangani abambi benzani. Tshwaya (✓) esithombeni ngasinye esitjengisa ubungani obuhle bese utshwaye isiphambano (✗) esithombeni esitjengisa ubungani obumbi.

Ithemu-1 - Iweke-3 - Iphepha lokusebenzela







Asifunde

Funda omunye nomunye umutjho bese ufaka umbala ipendulo



Iye 😊 nanyana Awa ebusweni obunembako 😞.





Ngimngani olungileko.





Nginetjhejo  
kumngani wami.





Ngibalungele abafundi engifunda nabo  
ngetlasini.



Abafundi engifunda nabo ngetlasini nabo  
bangilungele bebanomusa kimi.




Nginommoya ophasi  
ebantwini ebatjhidelene  
nami.



Asithuthuke

Asidlaleni "Jama emthunzini wami".

Wena nabangani bakho kumele nilinge ukugadanga  
iinthunzi zenu. Dlheganani nibone kobana  
ningagadanga phezu kweenthunzi ezingaki. Ungalokhu  
ukhamba ukukhandela umngani wakho kobana  
angajami emthumzini wakho.



Teacher: \_\_\_\_\_  
 Sign: \_\_\_\_\_  
 Date: \_\_\_\_\_

# Akusekho ukuthelisa



Asitlole

Qalani esinye nesinye isithombe.

Ungenza ini nangabe umntwana otheliswako? Eduze kesinye nesinye isithombe tlola umutjho munye ngokuthi kumele sibaphathe njani abantu.




---




---



---



---




---



---



---



---



## Asenzeni lokhu

Wena nomngani wakho lingisani  
umntwana othelisa omunye.  
Yitjhoni-ke kobana kungenziwa ini  
ukukhandela ukutheliswa kwabanye  
abentwana.




## Asiphumele ngaphandle

Zihleleni ngeenqhemha zaba-5.

Kwanje jamani umjeje bese nidlulisela ibholo phambili ngokuyiphoselana. Qalani kobana ngisiphi isiqhema esingaphoselana ibholo begodu ingawi beyiyokufika ekugcineni ngesikhathi esifitjhani. Nasele niqedile ngalokho, lingani ukuphoselana ibholo ngenye indlela eyahlukileko:

- Phosela omunye umfundi ibholo ojame ngemva kwakho, kodwana ibholo kumele uyiphose bese idlula hlangana nemilenze yakho.
- Phosela omunye umfundi ojame ngemva kwakho, kodwana ibholo kumele uyiphose bese idlula ngaphezu kwehloko yakho.
- Phosa ibholo ngesinceleni bese idlulela komunye umfundi ojame ngemva kwakho.
- Phosa ibholo ngesidleni bese idlulela komunye umfundi ojame ngemva kwakho.
- Kwanje phoselanani ibholo bese niyabala kobana ningayigama kangaki.



|          |       |
|----------|-------|
| Teacher: | Sign: |
| Date:    |       |

# Soke sikhethekile

Ithemu - I - Iweke - 4 - Iphhepha lokusebenzela



Asikhulume

Qalani iinthombe bese niyatjho kobana abafundi  
abalandelako bafana ngani. Yitjhoni nokobana  
bahluke njani.





### Asifunde

Dlalani umdlalo olandelako ngeenqhem. Qalani boke abafundi ngetlasini yenu. Ngemva kwalapho fundani iintatimende ezilandelako. Nangabe isitatimende siliqiniso, tshwaya (✓) ngebhoksini elingesandleni sokudla, begodu nangabe isitatimende simamala, tshwaya isiphambano (✗).

Iye ✓ Awa ✗

Ingabe abentazana nabesana babonakala bafana?

Ingabe iinhluthu zabo boke abafundi ngetlasini zinombala ofanako?

Ingabe boke abafundi banamehlo afanako?

Ingabe izandla zabo boke abafundi ziyingana?

Ingabe boke abafundi betlasi bayalingana ngobude?



### Asikhulume

Ingabe uyabona kobana asifani? Begodu uyabona kobana siyafana ngezinye izinto? Cocani ngalokho esifana ngakho.



### Asigwaleni

Gwala isithombe sakho. Sebenzisa isezezo somlomo ukwenza ukugadangisa umuno wakho eduze kwefreyimu yesithombe.



Uyazi nje kobana ephasini loke akekho umuntu onegadangiso lemino elifanako?

Nguwe wedwa begodu ukhethekile!



# Sizizwa njani

Cocisanani kobana nizizwa njani lokha nanivelelwe yinto ehle nekarisako. Ngemva kwalapho cocisanani ngokuthi nizizwa njani lokha nanivelelwe ngokumbi. Lokhu sikubiza ngokuphakama kwemizwa.

Ithemu - I'veke - 5 - Iphephna lokusebenzela

Asikhulume



Asitlole

Tlola iimpendulo zemibuzo engenzasi.



Ngikuphi okungithabisako?

Ngikuphi okungenza ngidane?


Ngikuphi okungenza ngithuke?

Ngikuphi okungenza ngithabe?



## Asenzeni lokhu

Gwala bese ufaka nombala iketani yobungani. Linga ukwenza unodoli omunye nomunye ahluke komunye ukutjengisa kobana asifani begodu sikhethekile. Nasele nikwenzile lokho, ningasika iketani yobungani kibosika abaphakathi nencwadi le. Yenza unopopi ngamunye aqaleke ngendlela eyahlukileko bese niyabatjela kobana ajame phezu kwedeski lakho ukuze akukhumbuze kobana soke asifani begodu sehlukile komunye.



## Asiphumele ngaphandle

Yenza umzimba wakho ube mkhulu ngendlela ongakghona ngayo. Linga ukwenza umzimba wakho ube mncani ngendlela ongakghona ngayo.

Linga ukwenza umzimba wakho ube mude ngendlela ongakghona ngayo. Kokugcina, linga ukuwenza ube mfitjhani ngendlela ongakghona ngayo.



|          |                             |
|----------|-----------------------------|
| Teacher: | Sign:                       |
| Date:    | (Handwriting practice area) |

# Abantu abaphila nokukhubazeka

Ithemu - I - Iweke - 5 - Iphetha | lokusebenzela



## Asikhulume

Qalani iinthombe ezilandelako.

- Ubona ukukhubazeka okwehlukileko okumihlobo emingaki?
- Omunye nomunye umntwana usebenzisa ini ukuzisiza?
- Ucabanga kobana omunye nomunye umntwana qobe lilanga uhlangabezana namiphi imiraro epilweni yakhe?
- Khulumani ngesingakwenza ukubasiza.



## Asitlole

Qalani iinthombe ezilandelako.

UBathabile akawazi ukukhamba.

Usebenzisa \_\_\_\_\_  
ukukhambakhamba.



USelephi akaboni kanti  
usebenzisa \_\_\_\_\_  
ukuthola lapha akhamba khona.



isihlalo mavilo

inja ekurholako



isisetjenzisa esiza  
ukuzwa



UBangani akezwa.

Usebenzisa \_\_\_\_\_  
ukumsiza kobana ezwe.



ukukhuluma ngelimi  
lamatshwayo



UJabu akakhulumi/simumu.

Usebenzisa \_\_\_\_\_  
ukukhuluma.



iingodo (ekukhanjwa  
ngazo nawulimeleko)

UNomusa usebenzisa

\_\_\_\_\_ ukukhamba.



Asenzeni lokhu

Sebenzisani umdaka nanyana  
ihlama yokudlala ukwenza ivasi  
nanyana ibhigiri.



Teacher: \_\_\_\_\_  
Sign: \_\_\_\_\_  
Date: \_\_\_\_\_


# Boke abentwana baligugu bebakhethekile



Asikhulume

Abentwana abalandelako laba bahluke ngani kuwe?

Bafana njani nawe?



Asifunde

Ephasini lokeabantu bagidinga amalanga akhethekileko.

**Sithanda ukudlala nokuvuma.**

**Soke sifuna ukudla sidle.**

**Soke kumele siye esikolweni.**

**Nasigulako, soke kumele sibonane nodorhodera.**

**Soke kumele sihlanzeke besizigcine sihlanzekile.**

**Akukafaneli kobana sisetjenziswe kabudisi.**


**Sibentwana.**



Asitlole

Buza abangani bakho aba-3 imibuzo elandelako. Tlola iimpendulo zemibuzo yabo eenkhaleni ezingenzasi.

|                                                      |  |  |  |
|------------------------------------------------------|--|--|--|
| Qedelela ngokutlola ibizo lomngani wakho.            |  |  |  |
| Ngiyiphi ikolo yakho?                                |  |  |  |
| Migidingo miph iekhethekileko kuwe enalokhu?         |  |  |  |
| Udla ini?                                            |  |  |  |
| Wena ngiziphi izambatho ezikhethekileko ozembathako? |  |  |  |
| Ugidinga ini ngalokhu:                               |  |  |  |



Asenzeni lokhu

Qala isithombe.  
Mumebhe wephasi.  
Uyabona  
kobana ephasini  
kunamalwandle kanye  
namalwandlekazi.  
Amalwandle afake  
umbala ohlaza  
sasibhakabhaka. Gwala  
iinhambi ezimbalwa  
elwandle. Faka inarha  
umbala ozotho.



# Ikutani yami



**Asikhulume**

Ingabe bakhona abafundi abaphila nokukhubazeka esikolweni senu?  
Khulumani ngalokho.

Isikolo singenza ini ukubasiza nabasesikolweni? Ingabeabantu abaphila nokukhubazeka bangaba ziinkutani?



**Asifunde**

Ezinye iinkutani ziphila nokukhubazeka.  
Siqalelela kizo. Kukhona


omunye umuntu ophila nokukhubazeka  
begodu ophuma phambili emidlalweni?  
UNatalie du Toit waquntwa inyawo  
langesinceleni ngemva kokufunyana  
ingozi yebhayisigili. Ukhamba  
ngenyawo lokwenziwa  
kodwana nakadudako, usebenzisa  
umlenze owodwa.



**Asikhulume**

Khulumani ngabantu abaphila  
nokukhubazeka abenza izinto ezimangazako.  
Cabangani ngalokhu:

- Abantu abaphopheleko  
abadlala iinsetjenziswa  
zomvumo. Kukhona omunye  
umuntu ophopheleko omaziko?
- Abantu abaphopheleko  
abatlola iingoma. Ungacabanga  
ngomunye umuntu osibonelo  
kilokhu?





Asitlole

Esikhalieni esingenzasi, tlola iminininingwana nekutani yakho nanyana umuntu oqalelele kuye.

## Ikutani yami:

Gwala isithombe somuntu omthatha njengethutha yakho nanyana umuntu oqalelele kuye. Tlola amagama eduze kwesithombe sakho ukuhlathulula umuntu loyo. Isibonelo, unethando, unesithunzi, unomusa, uyakwazi ukukhuthaza abanye, njll.

Ungaba yikutani ngaziphi iindlela? Wena nomngani wakho khulumisanani ngemibono eningayiveza/eningayicabanga. Kwanje tlola indatjana ngokuthi kungani waba yikutani. Qedelela imitjho engenzasi:

Ngelinye ilanga

Ngaqunta

Ngangifuna/Ngacabanga

Ngikho nje ngaba yikutani



# Ukuhlanza amanzi


**Asifunde**

Qala irhalasi enamanzi.

Kukhona into oyibona ngaphakathi?

Awa, angekhe wabona litho. Kodwana uyazi nje kobana ngesinye isikhathi ungafunyana imilwana ngaphakathi kwamanzi? Imilwana le mincani khulu begodu angekhe wayibona ngamehlo wenyama. Nawuzakusela amanzi lawo ngaphambi kokubulala imilwana leyo, untagula khulu. Kanengi kumele siqinisekise kobana amanzi esiwaselako ahlanzekile.


**Asikhulome**

Khulumani ngalokho ekungenze ka lokha nasisela amanzi angakahlwengeki. Kwanje qalani iinthombe ezingenzasi. Cocisana nomngani wakho ngeendlela ezahlukeneko zokuhlanza nanyana zokucwengisa amanzi.



Faka ipilisi letlorini ngemanzini.



Bilisa amanzi

imizuzu emi-5.



Faka amakhemikhali.



Sefā amanzi.





## Asikhulume

Ngimaphi amanziocabanga kobana aphephile ukuwasela?

Penda amanzi lawo ngombala ohlaza sasibhakabhaka nawucabanga kobana aphephile begodu angaselwa.

Amanzi womlambo



Amanzi aphuma ebhorweni.

Amanzi wepompo




Amanzi athengiweko angebhodlelweni.

Amanzi welwandle



Amanzi angeketleleni abilisiweko.



## Asenzeni lokhu

Sebenzani ngeenqhemha bese nenza isisefo samanzi ukuze nihlwengise amanzi. Lalelisisan lokha utitjhere nakanihlathululelako ngalokho enimele nikwenze.



### Uzokutlhoga okulandelako:

Ibhodlelo leplastiki eliyi-2 litha

Isanda emarhororhoro/

emakaritjha

Amatje amancani

Isikere

Ivolo yekoteni



## Asitlole

Nombora iindlela zokusefa amanzi ngendlela efaneleko.

|  |                                                                   |
|--|-------------------------------------------------------------------|
|  | Thela isanda esefefe yaba lula ngaphezu kwevdo yekoteni.          |
|  | Phendula ibhodlelo liqale phasi.                                  |
|  | Thela isanda emakaritjha.                                         |
|  | Ngokuyeleta okukhulu sika ilingenzasi lebhodlelo leplastiki.      |
|  | Thela amanzi anedaka ngaphakathi.                                 |
|  | Wisela amatjana amancani nanyana ikhethe ngaphakathi kwebhodlelo. |



# 14 Indlela yokuphila ekungiyo

Ithemu-1 – Iweke-7 – Iphelha lokusebenzela



Asifunde

Funda yoke imikghwa elandelako, ingaba mihle nanyana ibe ngemimbi. Nangabe ucabanga kobana mumukghwa omuhle, tlola itshwayo (✓), eduze komutjho lowo. Nangabe ucabanga kobana mumukghwa omumbi, tlola isiphambano (✗) eduze komutjho lowo.

| Imikghwa<br>Utitjhere usiza umfundi ukufunda.                        | Omumbi<br>✓ | Omuhle<br>✗ |
|----------------------------------------------------------------------|-------------|-------------|
| Ngidla ukudla okunepilo.                                             |             |             |
| Ngiphosa izinto ezingafunekiko ngefesidiri lebhesi nanyana leteksi.  |             |             |
| Ngihlamba iinhluthu zami njalo.                                      |             |             |
| Ngidla amaswidi amanengi.                                            |             |             |
| Ngigcina amazipho neendlebe zami zihlanzekile.                       |             |             |
| Ngihlamba amazinyo wami nomlomo kanye ngelanga.                      |             |             |
| Ngidobha iinzibi ngiziphosele ngemqonyini weenzibi.                  |             |             |
| Ngihlamba izandla zami njalo ngemva kokuya ngendlini yokuzithumela.  |             |             |
| Lokha nangithimulako/nangikhohlelako, ngivala umlomo wami ngesandla. |             |             |
| Ngithabulula umzimba njalo.                                          |             |             |
| Ngihlamba izandla zami njalo ngaphambi kokudla.                      |             |             |
| Ngibhambalala ngaphambi kwe-TV ama-iri amanengi.                     |             |             |
| Ngihlala nabantu abadala nabakhokako.                                |             |             |



Gwala iphosta ngomukghwa omuhle nanyana omumbi.

### Asenzeni lokhu



### Asitlole

Qalisisa iphosta yakho. Funda isitatimende ngasinye bese ufake ubuso obuhlekako nangabe isitatimende siliqiniso. Faka ubuso obudanileko nangabe isitatimende asisilo iqiniso.



| Iye | Awa |
|-----|-----|
|     |     |
|     |     |
|     |     |

Iphosta yami yihle, inemibala ekhangako.

Ngikuthabele ukwenza iphosta le.

Ngikubone kulikhuni ukwenza iphosta le.



### Asiphumele ngaphandle

- Ungeqela kude kangangani? Sebenzisa iinrobho ezintathu. Yeqa ngaphezu kwazo. Ngemva kokweqa, zibeke godu maqalanga ubone kobana ungeqela kude kangangani.
- Ngemva kwalapho-ke bawa abangani bakho ababili babethe iqathulo wena bese uyayeqa.
- Dlheganani ngokweqa iqathulo.



# Imikhiqizo eyonakalako naleyo engonakaliko

Ithemu - I - Iweke - 8 - Iphepha lokusebenzela



Asikhulume

Cocani ngokudla okumele kugcinwe kumakhaza ukukhandela kobana kungaboli. Quntani kobana ngikuphi ukudla okungatlhogi kobana kubekwe endaweni emakhaza, kodwana okungafakwa ngemakasini/ngemakhabetheni. Sika iinthombe ekhasini labosika bese uzinamathisela ngekhabetheni/ngekasini nanyana ngesiqandisini.





Khulumani ngeendlela esingakhandela ngazo kobana  
abotjhontjhwani neempukani zingahlali phezu kokudla  
kwethu.



Teacher:  
Sign:  
Date:

# linkolo namalanga akhethekileko

Ithemu - I - Iweke - 8 - Iphepha lokusebenzela



Asifunde

Kilo loke iphasi abantu bagidinga amalanga  
wamaholideyi akhethekileko.

Ungagidinga maphi  
amaholideyi?

Ngelanga lakaKresimusi sifunyana  
izipho. Begodu siphapha abangani bethu  
namanye amalunga weminden  
yemakhaya izipho. Siba nomuthi  
wakaKresimusi emakhaya. Sibeka  
izipho zethu ngaphasi komuthi lowo.  
Siyawukghabisa umuthi bese sibeke  
neenkwekwezi phezulu. Ngelanga  
lakaKresimusi sidle ukudla  
okunengi, nokumnandi.



Sesilinde ilanga leDiwali ngamehlo  
abovu. Leso sikhathi lapha sifunyana  
khona amaswidi amanengi kanye  
nezipho ezinengi tle. Sipaka amaswidi  
amnandi kanye namakhekhe  
ngamabhoksi silungiselela iimvakatjhi  
zemakhaya. Sikhanyisa amalampa  
amancani bese siwabeka abhode  
umuzi. Sikghabisa izindlu zemakhaya  
bese sibe namakerekere.



Sesilindele ilanga leHanukkah khulu. Sizokuba nokudla okunengi esizokudla. Sithanda ukudla amakhekhe abhagwe ngepani kanye negwinya elinetjhukela enengi khulu. Begodu ngelangelo, silindele ukuthola izipho.

Abomzala bayeza bazosivakatjhela. Soke siyasiza ukupheka ukudla kwelanga begodu emakhaya sikhanyisa namakhandlela.

Kungasikade kuzokuba lilanga le-Eid. Ngiyathemba kobana uzokufunyana isipho esihle. Nathi sizokupha abangani bethu izipho. Kuzokuba namakhekhe amanengi kanye namaswidi esizowadla. Sibona ngendlela ejame ngayo kobana sekusikhathi se-Eid. Qobe minyanga ilanga leli liba ngelanga elahlukileko.



Asivumeni



Vuma iingoma ozaziko  
ezivunywa ngamalanga  
alandelanako  
aqakathekileko.



Teacher:  
Sign:  
Date:

# linkhathi zomnyaka



Asikhulume

Qala iinthombe ezimayelana neenkathi zomnyaka. Cocela umngani wakho kobana ubona ini esithombeni ngasinye. Mcocela kobana iinkathi ezine zomnyaka zehlukene njani.



Ngisiphi isikhathi somnyaka osithanda khulu?

---

Kubayini uthanda isikhathi lesi somnyaka?

---

Ilanga lakho lamabeletho lingasiphi isikhathi somnyaka?

---



Asivumeni

**Lotjha nomzana Langa!**

**Ilanga lakho lisanda ukuthoma.**

**Ngiyathanda ukubona ubuso bakho  
obumanyazelako. Lotjha nomzana**

**Langa.**



**Zulu! Zulu tjhabalá!**

**Abentwanyana bafuna ukudlala.**

**Uzakubuya ngelinye ilanga.**

**Ungabikhona ilanga libe linye tere.**



|          |       |
|----------|-------|
| Teacher: | ..... |
| Sign:    | ..... |
| Date:    | ..... |

# 18 linkhathi ezine zomnyaka

Ithemu-2 – I'veke-/-Iphepha lokusebenzela



Asenzeni lokhu

Sika iinthombe zeenkhati zomnyaka kibosika abangemuva encwadini yakho. Namathisela isithombe ngasinye eduze kwesikhathi esifaneleko somnyaka.



**UJuni**

**UJulayi**

**U-Arhostesi**

**ubusika**

**USeptemba**

**U-Oktoba**

**UNovemba**

**ithwasahlobo**





UDisemba

UJanabari

UFeberbari

ihlobo

Umatjhi

U-Apreli


UMeyi

isiruthwana



Asiphumele ngaphandle

Zjayeze ikghono lakho lebholo.  
Phosela ibholo phezulu kweboda.  
Gadanga ndawonye lokha nawubetha phasi ibholo.  
Kwanjesi gjijima uphose ibholo ujikeleze isigodo.



# 19 linkhathi zomnyaka

Ithemu-2 - Iweke-2 - Iphepha lokusebenzela



Asifunde



## Ihlobo

Ubujamo bezulu buyatjhisa bufuthumele.

Imini yide kanti ubusuku bufitjhani.

Singaphola ngokobanyana sidude nanyana sihlale emthunzini.

## Isiruthwana

Ubujamo bezulu buyaphola.

Amakari athoma ukutjhugulula umbala ube sagolide bese ayawa emthini.

Iinyoni ziphaphela eendaweni ezifuthumeleko.



## Ubusika

Ubujamo bezulu bumakhaza.

Kezinye iindawo kulala ilothe.

Ubusuku bude kanti imini ifitjhani.

Ezinye iinyamazana ziyahluba ebusika.

## Ithwasahlobo

Ubujamo bezulu buyatjhisa.

Iintjalo zithoma ukumila begodu kubanamathuthumbo phezu kwezinye iintjalo.

Iinyoni zithoma ukwakha iindlheke bezibekele amaqanda.





Asikhulume

Ukudla okuhlukahlukeneko kutholakala ngeenkhathi zomnyaka ezhilukeneko.  
Qalisisa ukudla okulandelako lokhu kwehlobo nokwebusika. Tjela umngani  
wakho kobana uthanda ukudla kuphi nakutjhisako nalokha nakumakhaza.



Teacher: \_\_\_\_\_  
Sign: \_\_\_\_\_  
Date: \_\_\_\_\_

# 20 Ukwembatha ngendlela ubujamo bezulu bungakho

Ithemu-2 – Iweke-2 – Iphepha lokusebenza



Asigwaleni

Gwala isithombe somsana nomntazana. Umsana kufanele ambathe izembatho ezifuthumeleko zebusika bese kuthi umntazana ambathe izembatho ezipholileko zehlobo.



|        |           |
|--------|-----------|
|        |           |
| Umsana | Umntazana |



Asiphumele ngaphandle

- Yenza amaqbubi wehlabathini.
- Lokha utijhere wakho nakutjela bonyana weqe, yeqa weqele ngaphakathi kwamaqbubi ngeenyawo zombili.
- Lokha utijhere wakho nakutjela bonyana weqe, weqe uphume equbini ngenyawo elilodwa.
- Dlala iskomborika.
- Sebenzisa itjhogo ukugwala iindulunga neenkwere ehlabathini.





Asikhulume

Cocela umngani wakho kobana sembatha ziphi izembatho kesinye nesinye isikhathi somnyaka?

Dweba umuda osuka ehlathululweni yezambatho esizimbatha ngesikhathi somnyaka.

Asitlole



## Ukwembatha okukhambisana nobujamo bezulu

Lokha nakunelanga sifanele ukuthwala iingwani ukuze sizivikele elangeni.



Lokha nakufuthumeleko sifanele ukwembatha izembatho ezipholileko.



Lokha nakumakhaza ngaphandle sifanele ukwembatha izembatho zevolo ezifuthumeleko.



Lokha nalinako sifanele ukwembatha irenjasi besiphathe nesambreli.



# Imithelela yeenkhathi zomnyaka

Ithemu-2 – Iweke-3 – Iphepha lokusebenzela



## Ihlobo

Ehlobo abosomaplesi bavuna  
iinthelo. Amakonyana  
weenyamazana abamajadu.

Kezinye iindawo izulu lina khulu line  
ngamawuruwuru nombani.

Utjani, amahlathi namathuthumbo  
kumila ngamandla. Imithi  
yona ibamide.



## Ithwasahlobo

Ngethwasahlobo imithi ithoma  
ukumila amakari.

Sibona iinyoni, iinyosi,  
amatuthumbo kanye  
namakari ahlezana.

Iinyoni zakha iindleke  
bezibekele amaqanda.

Abosomaplesi bona basika  
uboya bezimvu.





## Isiruthwana

Ezinye iinlwana zibulunga ukudla kwazo njengombana zizokutlhoga ngesikhathi sebusika.


Amakari wemithi athoma ukubasarulani, abezotho, abebomvu abuye abesalamune.

Utjani buthoma abezotho.



## Ubusika

Ezinye iinlwana ziyahluba ebusika.  
Ziyafuthumala ngombana isikhumba sazo sibamabhombo.



Asitlole


Ezinye iinlwana zenzani ebusika? \_\_\_\_\_

Ezinye iinlwana zizivikela njani amakhaza? \_\_\_\_\_

Iinyoni zibuyela nini eendaweni ezifuthumeleko ebezibalekele kizo? \_\_\_\_\_



# Ukutjala isitjalo ngebhlegeni



Asenzeni lokhu

## Utlhoga

- Iimbontjisi
- Ivolo
- Isimumathi
- Amanzi



## Bese wenzeni

Beka iimbontjisi phezulu kwevolo ngaphakathi kwesimumathi. Silonde njalo sihlale sithambile. Beka isimumathi efesidereni lapho kunomkhanyo khona welanga.

Tjheja isimumathi leso isikhathhi esingaba ziimveke ezimbili.

Tjheja kobana kumila njani.

Qala iinthombe zeentjalo lezi ezingesimumathini.

Lokha isitjalo sakho nasiqaleka sinje, zalisa ilanga.



| Ilanga | Ilanga | Ilanga | Ilanga |
|--------|--------|--------|--------|
|        |        |        |        |



Asenzeni lokhu

Yenza umdlalo wokulingisa ngesibandana.

Ungatjengisa ibhere nanyana isikwirili esibuthelela ukudla nokugcina ukudla kwebusika.



Asiphumele ngaphandle

Zigede phasi ehlabathini njengenyoka  
lokha nayifuna ukuhluba.

Phapha  
njengeviyaviyani  
liphaphela  
endaweni  
efuthumeleko.



Teacher: \_\_\_\_\_  
Sign: \_\_\_\_\_  
Date: \_\_\_\_\_



23

# linlwana: linlwana zemaplasini




Asikhulume

Qala iinthombe bese ukhuluma ngeenlwana zemaplasini ozibonako.

Ngisiphi isilwana osithandako?

Sithola ini kesinye nesinye isilwana kilezi ezilandelako?

Ithemu-2 - Iweke-4 - Iphepha lokusebenza





**Asitlole**

Qedeleta ngependulo enembako ngaphakathi kwamatheyibula.

Yokuthoma selewenzelwe yona.

|                                                                                   |          |                      |
|-----------------------------------------------------------------------------------|----------|----------------------|
|  | Eduna    | Iramu                |
|                                                                                   | Esikazi  | Ikonyana lakadumbana |
|                                                                                   | Ikonyana | Idzinyani lemvu      |
|                                                                                   | Itjhada  | Baa!                 |
|                                                                                   | Indawo   | Isibaya              |

|                                                                                    |          |  |
|------------------------------------------------------------------------------------|----------|--|
|  | Eduna    |  |
|                                                                                    | Esikazi  |  |
|                                                                                    | Ikonyana |  |
|                                                                                    | Itjhada  |  |
|                                                                                    | Indawo   |  |

|                                                                                    |          |  |
|------------------------------------------------------------------------------------|----------|--|
|  | Eduna    |  |
|                                                                                    | Esikazi  |  |
|                                                                                    | Ikonyana |  |
|                                                                                    | Itjhada  |  |
|                                                                                    | Indawo   |  |

|                                                                                     |          |  |
|-------------------------------------------------------------------------------------|----------|--|
|  | Eduna    |  |
|                                                                                     | Esikazi  |  |
|                                                                                     | Ikonyana |  |
|                                                                                     | Itjhada  |  |
|                                                                                     | Indawo   |  |





# Eplasini

Ithemu-2 - I'veke-4 - Iphepha lokusebenzela



Asivumeni

Umkhulu omdala bekaneplasi

Hee-hi-hee-hi-ho!

Eplasini bekaneenkomo

Zithi mu-mu lapha zithi mu-mu laphaya!

Lapha i-mu mu nalapha i-mu-mu!

Yoke indawo kuthi mu-mu-mu!

Umkhulu omdala  
bekaneplasi


Hee-hi-hee-ho!





**Asivumeni**


Ragela phambili uvume ingoma. Jamiselela imida yekomo ngeenlwana lezi.



Eplasini bekanezinja.



Eplasini abuye  
abenamadada.




Eplasini abuye  
abeneempere.



**Asiphumele ngaphandle**

- Bakhamba phezu kwentambonofana umuda, ngaphandle kokuthi bawele phasi.
- Phosa ibholo emoyeni bese uyayigenda, ngaphandle kokuthi uwele phasi.
- Kwanje rholobha njengepera.
- Betha umlulungwani njengenja.
- Khamba njengerobodo.



|          |
|----------|
| Teacher: |
| Sign:    |
| Date:    |

# linlwana zemangweni


Ithemu-2 – Iweke-5 – Iphepha lokusebenzela



Asifunde




Amabhubezi awela emhlotjaneni wabokatsu. Ibhububezi laziwa njengekosi yeenlwana. Amabhubezi ayazuma abambe bekabulale iinnlwana ezifana neempunzi kanye namadube. Amabhubezi asikazi ngiwo azuma khulu. Amabhubezi avamise ukuzuma ebusuku ngeenqhemha. Amabhubezi athanda ukuhlala endaweni evulekileko enotjani. Amabhubezi avamise ukuzwakalisa isililo sawo khudlwana.




Iindlovu ziinlwana ekungezikulu kilezo ezimunyisako ephasini. Iindlovu zivamise ukuba sengozini esikhathini esinengi ziyazunywa ngebanga lomsebenzi weempondo zazo. Iindlovu zikhula ipilo yazo yoke. Iindlovu zisebenzisa imiboko yazo ukufaka imirabhu, iinthelo kanye namanzi ngemloyeni lokha nazidlako. Zidla ukudla okungaba budisi obumakhiligremu ama-200 ngelanga begodu zisele amalitha wamanzi angaba malitha ali-190.



Kukhona imihlobo emibili yabobhejani, ubhejani omhlophe nonzima. Abobhejani ababoni kuhle kodwana banekghono elihle lokunukelela. Abobhejani bakhulu begodu bangaba nobudisi obungabamakhilogremu azi-2 500. Abobhejani kanengi bayabulawa babulawelwa iimpodo zabo. Kufanele sikhandele besivikele ukubulawa kwabobhejani babulawelwa iimpondo zabo.



Ingwemabala ekulu ingaba mamitha ama-2 ubude. Ibonakala ngamabala abezotho okukhanyako namabala anzima sandulunga. Ingwe inekghono lokukhwela umuthi begodu ayibi nobudisi ukuzuma ikhwele emthini.



Iinyathi zivamise ukuhlala ngomhlambi. Lokha nakubonakala sengathi kunengozi, amatholekazi namakonyana ajama ngaphakathi kwendulunga ezungelezwe ziinkunzi ukuzivikela. Ezinye zeenkommo zommango zikhula zibe nokuphakama okungaba limitha eli-1,7.



|          |
|----------|
| Teacher: |
| Sign:    |
| Date:    |

# iinlwana zizifihla njani

Ithemu-2 - Iweke-5 - Iphephna lokusebenzela

Asifunde



Ezinye iinlwana zizivikela ngokutjhugulula imibala

yazo ifane nendawo lapho zikhona ukuze zivikeleke.



Inwabu litjhugulula umbala walo ufane nowomuthi

eliwukhwelako. Imithalo etholakala phezu komzimba



wedube yenza kubebudisi ukubona idube emangweni

nanyana emahlathini. Ezinye iinlwana zineensiba



ezifanako ezenza kungabilula kobanyana zibonakale.

Lokhu sikubiza ngokutjhuguluka kweenlwana.



Akhe ucabange ngezinye iinlwana ezitjhugulula

umbala nokunye.



Efitjhani




Utitjhhere wenu uzanitjengisa  
kobana umvumo obethwa  
ngeenhlalo urjani.





Asenzeni lokhu

Gwala isilwana semangweni sibe sinye. Bese ucocela umngani wakho kobanyana isilwana leso sitjhuguluka njani umbala waso.



Teacher:

Sign:

Date:




# 27 linlwana zangemanzini



Asenzeni lokhu

Qedelela isithombe ngokuthi ungezelele umgwalo nanyana iinthombe zeenlwana eziphila ngemanzini.

Ithemu-2 – Iweke-6 – Iphepha lokusebenza




# iinlwanyana eziphila ngaphasi kwamanzi

28




Asikhulumo

Akhe siqale zoke iinlwanyana eziphila ngaphasi kwehlabathi.



Kukhona neenlwanyana ezincani eziphila hlangana namatje ngaphasi kwamanzi.



Ithemu-2 - Ivake -b - Iphhepha lokusebenzela

|          |
|----------|
| Teacher: |
| Sign:    |
| Date:    |

# Ubukghwari beenlwana



**Asikhulume**

Coca ngazo zoke iinlwanyana zangelwandle eziseenthombeni lezi.

- Ngisiphi isilwanyana kilezi?
- Ngiziphi iinlwanyana zangemanzini eziyingozi?
- Umzimba wefesi unjani begodu uvikelwe yini?
- Ngiziphi iindlela ezhlukeneko ezingasilaphaza ilwandle.
- Uqabanga bonyana kuzokwenzekani lokha ilwandle nangelingazala ngokusilaphazeka okunetjhefu?



**Asitlole**

Tlola amabizo weenlwanyana oqabanga bonyana zihlala emilanjeni, emadamini namtjhana elwandle emakkholomini amathathu wetheyibula engengenzasi.


| Emlanjeni | Elwandle | Edamini |
|-----------|----------|---------|
|           |          |         |
|           |          |         |
|           |          |         |
|           |          |         |
|           |          |         |
|           |          |         |



### Asenzeni lokhu

Zakhele yakho isiziba seemfesi.

- Penda ingaphakathi lebhoksi leenyathelo ngokuhlaza kwesibhakabhaka bese ulilalisa ngehlangothi.
- Sika ukhuphe ifesi/ihlambi ngemva kwencwadi.
- Namathisela ngaphezulu kwebhoksi ngeselotheyibhu nentambo.



### Asiphumele ngaphandle


- Phapha njengenyoni ngebelo eliphezulu nebelo elibuthaka.
- Tjuza njengephengwini.
- Phapha njengenyosi.
- Khamba likeke njenkala.
- Duda njengefesi/njengehlambi.
- Yeqa njengesirhwarhwa.
- Dlalani umdlalo wokulandela odosako/ongaphambili.
- Dlalani umdlalo wakakatsu nekhondlo.



|          |
|----------|
| Teacher: |
| Sign:    |
| Date:    |

# 30 linlwanyana ezithwala imizi yazo ngaso soke isikhathi

Ithemu-2 – Iweke-7 – Iphepha lokusebenzela



Uthi bewazi? Ngilingana kuhle  
ngaphakathi kwecephe lami begodu  
akwenzeki kobana libelincani  
lingangilingani.

## Ikghuru

Ikghuru ingenye yeenlwana ezirhurhuba ngamathumbu begodu inemilenze evulekileko nentamo kunye nehloko.

Zihlala kuphi?

|                                  |                                                                          |                                 |
|----------------------------------|--------------------------------------------------------------------------|---------------------------------|
|                                  |                                                                          |                                 |
| Ithathila:<br>Ngihlala elwandle. | Itheraphina: Ngihlala<br>endaweni esemanzini, endaweni<br>ezithambileko. | Nekghuru: Ngihlala ehlabathini. |



Asitole

Phendula imibuzo elandelako ngekghuru ehlala ehlabathini.

Indlwana yekghuru ithambile nanyana iqinile? \_\_\_\_\_

Indlwana yekghuru iyivikela ini, kuphi? \_\_\_\_\_

Ikghuru yenzani lokha nayithukweko? \_\_\_\_\_

Iinkghuru zidla ini? \_\_\_\_\_

Ilanga: .....

# Umneneke

Qala iqephe lomnenke.

Iphondo elide

Ilihlo

Iqephe

Iphondo elifitjhani

Inyawo

Umgojana wokuphefumula

Umneneke ukhamba njani?

Ukhe wafunyana iqephe lilodwa? Ucabanga bonyana kwenzekeni ngomnenke loyo?




Amaqephe weminenke anombala onjani?

Kubayini ucabanga kobanyana iminenke inamaqephe?



Asitlolle

Ucabanga kobanyana ngihlala kuphi? Eduze kwesithombe sami tlola indlwana yami esemthini, ehlabathini nanyana emanzini.



# linlwana ezizakhela izundlu zona ngokwazo

Ithemu-2 - Iweke-8 - Iphepha lokusebenzela




Asenzeni lokhu

Hlanganisa iinthombe zeenlwana lezi neenthombe zezindlu zazo.



Asifunde

**linyosi**



# Abotjhontjhwani

Abotjhontjhwani bakha izindlu zabo ezihlukeneko  
ehlabathini. Ubutjhontjhwani obuncani  
bungathwala okhunye nokhunye okubanobukhulu  
obubuyeletwe kathathu kunezinga labo.  
Buyayeletisana nangabe kukhona ingozi nanyana  
okuthileko okuyingozi.



Asitlole

Kubayini ucabanga kobana ubutjhontjhwani bakha iindlwana zabo?

---

Ngubani isitha sobutshontshwani?

---

Ubutjhontjhwani busebenzisa ini lokha nabakha iindlwana zabo?

---



Asifunde

## linyoni

Iinyoni zakha isidleke lapho zizokwazi  
ukubekela amaqanda wazo khona.

Ubukhulu besidleke bulawulwa bukhulu benyoni?


---

Ngiyiphi inyamazana esisitha senyoni?

---







|   |  |     |  |
|---|--|-----|--|
| A |  | M   |  |
| a |  | m   |  |
| B |  | N   |  |
| b |  | n   |  |
| C |  | O   |  |
| c |  | o   |  |
| D |  | P   |  |
| d |  | p   |  |
| E |  | Q   |  |
| e |  | q   |  |
| F |  | R   |  |
| f |  | r   |  |
| G |  | S   |  |
| g |  | s   |  |
| H |  | T   |  |
| h |  | t   |  |
| I |  | U   |  |
| i |  | u   |  |
| J |  | V   |  |
| j |  | v   |  |
| K |  | W   |  |
| k |  | w   |  |
| L |  | X-Z |  |
| l |  | x-z |  |






P.29




P.19





P.36-37



P.57

